

Publico:

Tremendo Concierto di UNOCA



FOR di un sala completamente feliz, satisfecho y contento, 29 cantante y 16 musico bou di guia di Carlos Bislip a ricibi un tremendo “waaaaaaww”!!! Si increibel tabata e reaccion di cada persona cu a experencia e presentacion aki. Diasabra ultimo den Cas di Cultura sigur a keda confirma cu Comision “Celebracion 25 aniversario di UNOCA” consistiendo di solamente cuatro persona esta Tica Giel, Maybelinne Arends-Croes, Carlos Bislip y Tino Ruiz a logra den termino di 1 aña realiza un concierto grandi den tur sentido di palabra!

Cu Carlos Bislip como director musical 16 musico a acompaña 29 cantante cu nan canticanan na Papiamento di nos propio compositornan y cu areglo musical di nos mesun musiconan. Esta cu pa cada instrumento, tanto melodico como ritmico, ta nota locual mester toca den cada cantica. E areglonan fantastico ta compone pa Delbert Bernabela, Carlos Bislip, Franklin Granadillo, Federico Martis y Ivan Quandus.

E anochi a habri mesora conmoviendo publico presente cu tur cantante interpretando nos himno Aruba Dushi Tera. Mesora su tras a sigui e “ouver-

ture”, un potpuri, mandando tur hende presente mesora den “espacio musical”. Un ouverture ta un obra grandi instrumental cu ta habri p.e. un musical y un opera. Den e caso aki tabata un obra di canticanan di Aruba pa habri e concierto “UNOCA den plata”.

Y asina cu maestra di ceremonia Tica Giel a anuncia e prome cantica esta “Dios bendiciona Aruba” y Sharon Rose, Rachel Kraaijvanger, Ted Philips, Ed-jean Semeleer y Jack Tromp a subi stage, pa UNOCA ya e “Waaaaaaww” tabata segura.

Despues canticanan a sigui ‘yobe’ uno tras di otro den tur

forma y estilo di presenta y ariba un nivel hopi halto cu sigur ta haci Aruba sinti orguyoso di su talentonan. Por menciona cantantenan manera Vicky Arens, Jossy Brokke, Solalica Clarinda, Jelitz Croes, Trio Arubeños forma pa Rey Lampe, Catey Werleman y Mario Croes, Richard Dabian, Thais Franken, Casin Giel, Robert Jeand’or, Angelo Koolman, Mielangelo Koolman, Nicole de Kort, Gabriela Krosendijk, Veloushka Krosendijk, Dorothy Lacle, Robert Maduro, Felix Rojas, Mireille Sint Jago, Gisela Trimon, Mirto Tromp y Duo Ailene Croes y Bertha Wolff. Locual sigur a keda hopi aprecia

ta e concepto nobo introduci esta, dilanti Cas di Cultura e concierto mesora en bibo pa esnan cu no a haya carchi. Y na final tur hende por a sigui gosa mesora di talentonan hoben ariba stage dilanti Cas di Cultura manera Casey Dozier, Ru Koolman, Lorene Flores, Chayo Tromp y Roger Peterson den un concepto nobo.

E “waaaaww” a keda logra. Pabi en Aruba! Uni nos ta logra hopi. UNOCA ta gradici tur hende cu di un of otro forma a contribui na realisacion di e concierto aki. Hopi peticion a dreña y ta dreñando keto bay pa ripiticion.....meymey di mei..!!